


乾象圖



其數九
稱老陽

乾者為天之用天者是乾之體天所以清虛高遠純陽不雜一氣冥運萬物化生乃可法天之用不可法天之體故曰乾象而稱老陽其數則九謂乾為天有三畫三因之得九此卦重之六爻而各稱九是也夫天之道勢如偃蓋狀若鷄卵取坤為妻而生六子也

道藏輯要

坤象圖

太古集

圭

胃集八



其數六
稱老陰

坤者為地之用地者是坤之體地所以純厚廣載純陰不雜二氣昇降物有變遷乃可法地之用不可法地之體故曰坤象而稱老陰其數則六謂坤為地有六畫象之稱六此卦重之六爻各稱六是也夫天有三畫而兼坤之六畫故稱九也惟地屬老陰而不得兼陽故稱六也